

From: Samir Jusufović <Samir.Jusufovic@bhtelecom.ba>
Date: Fri, 8 Jul 2022, 13:45
Subject: UPIT - Portal Etika.ba
To: info@korekt.ba <info@korekt.ba>
[BH Telecom | Javno]

Poštovani g. Bajić,

U cilju pravovremenog i tačnog informisanja javnosti u traženom roku dostavljamo Vam tražene informacije.

Zakonom o privrednim društvima utvrđen je postupak nominovanja i imenovanja članova nadzornih odbora dioničkih društava a Uredbom o vršenju ovlaštenja u privrednim društvima sa učešćem državnog kapitala iz nadležnosti Federacije Bosne i Hercegovine, utvrđen je postupak izbora kandidata za članove nadzornih odbora u društvima u kojima Vlada nominuje svoje predstavnike. Iz navedenih propisa proizilazi da je predlaganje kandidata za članstvo u nadzornim odborima isključivo pravo dioničara a ne društava koji su emiteni dionica. Dakle BH Telecom kao emitent dionica nije nadležan niti vrši predlaganje članova Nadzornog odbora.

U skladu sa gore navedenim propisima od strane dioničara predložen je i g. Davor Bunoza koji do dana održavanja 70. Skupštine (08.07.2022. godine), kako smo obaviješteni, zbog obiteljskih i poslovnih obaveza, nije prihvatio predloženu kandidaturu, odnosno nije potpisao izjavu o prihvatanju kandidature za mjesto vršioca dužnosti člana Nadzornog odbora Dioničkog društva BH Telecom.

Dana 08.07.2022. godine održana je Skupština Društva te navedeni kandidat, na istoj, nije imenovan za v.d. člana Nadzornog odbora.

Iz gore navedenog jasno proizilazi da Dioničko društvo BH Telecom nije, niti je ovlašteno da „sastavlja i dostavlja“ Vladi prijedlog za imenovanje vršilaca dužnosti članova Nadzornog odbora Društva jer pravo predlaganja je u isključivoj nadležnosti ovlaštenih dioničara, koji na skupštini društva, lično ili putem svojih punomoćnika biraju odnosno imenuju članove Nadzornog odbora Društva. Podaci o tome ko je nominovan/predložen za člana/v.d. člana Nadzornog odbora Društva, Društvu su poznati na dan prijema prijedloga članova/v.d. članova Nadzornog odbora od strane ovlaštenih dioničara.

S poštovanjem

Samir Jusufović, Izvršni direktor
Izvršna direkcija za pravne poslove,
upravljanje organizacijom i ljudskim resursima
Dioničko društvo BH Telecom Sarajevo
ul. Franca Lehara br.7, 71 000 Sarajevo
Tel: 033-256-200, e-mail: samir.jusufovic@bhtelecom.ba